



Saksframlegg

Saksnr:	Utval:	Dato
	Levekårsutvalet	
	Formannskapet	
	Kommunestyret	

Sakshandsamar:	Kultur- og aktivitetseininga	Eileen M Feste
	Arkivnr.: 17/1525	Klassering:

Rullering av handlingsplan for Kommunedelplan for idrett, aktivitet og friluftsliv 2016 - 2024

Rådmannen sitt framlegg til vedtak

Kommunestyret vedtek følgjande justeringar i Kommunedelplan for idrett, aktivitet og friluftsliv 2016-2024, handlingsplan

- Grusa turløype med lys på Lindås vert flytta over på langtidsprogrammet.
- Rehabilitering kunstgras og friidrettsanlegg Nordhordlandshallen vert tatt inn som nr. 2 i handlingsprogrammet.
- Det vert sett av 1 000 000 til Osterhallen i 2018, og totalramma for hallen vert auka til kr. 50 000 000. For 2019 vert summen justert til kr. 19 000 000 og det vert lagt inn kr. 30 000 000 i 2020.
- Totalramma for hallen i Alversund og ny hall i Knarvik, vert justert til kr. 67 500 000.- for kvar av dei.

Saksopplysningar:

Bakgrunn

Kommunedelplan for idrett, aktivitet og friluftsliv 2016-2024 vart vedteken i kommunestyret 27. oktober 2016. Regelverket krev at anlegg ein ønskjer å søkja spelemidler for, skal vera med i handlingsprogrammet i Kommunedelplan for idrett, aktivitet og friluftsliv. Handlingsprogrammet i planen må difor rullerast ein gong årleg.

Vurdering

Grusa turløype med lys på Lindås

Det er per i dag ikkje noko lokalt initiativ for å få bygt eit slikt anlegg i Lindåsbygda. Det vert derimot jobba aktivt med andre tiltak innan turløyper. Desse vil utløyse andre tilskot, men ikkje stetta kravet til ei grusa turløype. Anlegget er heller ikkje lagt inn i gjeldande økonomiplan.

Framlegg: Grusa turløype med lys på Lindås vert flytta over på langtidsprogrammet.

Rehabilitering kunstgras og friidrettsanlegg Nordhordlandshallen

Dette prosjektet var lagt inn i økonomiplanen for 2017 før den reviderte idrettsplanen vart vedteken, og skulle vert lagt inn i gjeldande plan. Anlegget har vore brukt i 15 år. Forventa levetid for kunstgrasbaner vert ofte rekna å vera 10 år. Særleg friidrettsdekket ber preg av stor slitasje. Det er satt av kr. 5 000 000 i økonomiplanen for 2017 til dette arbeidet.

Framlegg: Rehabilitering kunstgras og friidrettsanlegg Nordhordlandshallen vert tatt inn som nr. 2 i handlingsprogrammet.

Osterhallen

Osterhallen er sett opp med kr. 20 000 000 i 2019. Dersom ein skal få til byggjeart i løpet av 2019, bør det løyvast midlar til å starta planlegginga i 2018. Når ein samanliknar budsjetttramma med ramma for dei andre hallane kommunen byggjar, er det behov for å justere den estimerte totalramma for Osterhallen til kr. 50 000 000.

Framlegg: Det vert sett av 1 000 000 til Osterhallen i 2018, og totalramma for hallen vert auka til kr. 50 000 000. For 2019 vert summen justert til kr. 19 000 000 og det vert lagt inn kr. 30 000 000 i 2020.

Hall i Knarvik og Alversund

Totalramma for hallen Alversund vert justert til kr. 67 500 000.- jamfør vedtak i kommunestyret 11.05 2017. Den nye fleirbrukshallen i Knarvik, med klatreanlegg, er ein del av totalentreprisen som er inngått for nye Knarvik barneskule. Kor stor del av byggjekostnadane som er knytt til hallen er ikkje spesifisert i tilbodet frå utbyggjar. Difor foreslår rådmannen at ein nyttar totalramma for hallen i Alversund som erfaringstal og set totalramma for hallen i Knarvik til kr. 67 500 000.-

Framlegg: Totalramma for hallen i Alversund og ny hall i Knarvik, vert justert til kr. 67 500 000.- for kvar av dei.

Vedlagte saksdokument:

Lindåskommune_Idrettsplan+(2)	167752	18.05.2017
-------------------------------	--------	------------

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost